

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ**  
**ՀԱՐԿԱՅԻՆ ԵՎ ՄԱՔՍԱՅԻՆ ՄԱՐՄԻՆՆԵՐԻ ԲՈՂՈՔԱՐԿՄԱՆ**  
**ՀԱՆՁՆԱԺՈՂՈՎ**

**Ո Ր Ո Շ ՈՒ Մ № 69/14**

ք.Երևան

« 7 » Սեպտեմբեր 2023 թ.

Հայաստանի Հանրապետության պետական եկամուտների կոմիտեի հարկային և մաքսային մարմինների բողոքարկման հանձնաժողովը (այսուհետ՝ նաև՝ Հանձնաժողով), քննության առնելով ՀՀ ՊԵԿ մաքսային հսկողության վարչության պետի 18.04.2023թ. «Ապրանքի ոչ ճիշտ դասակարգում հայտնաբերվելու դեպքում ապրանքի դասակարգման վերաբերյալ» թիվ ԱԴՈ-23-000032 որոշման և 10.05.2023թ. «Մաքսային կանոնների խախտման վերաբերյալ» արձանագրության վերաբերյալ «ՄԵԳԱՐՈՆ» ՍՊԸ-ի (ՀՎՀՀ՝ 01827413) լիազոր անձ, մաքսային ձևակերպումների մասնագետ Գրիգոր Ավետիսյան դիմում-բողոքը՝

**ՁՊԱՐՁԵՑ**

**1. Բողոքարկման առարկան, դիմում-բողոքով բերված փաստարկները և ներկայացված պահանջները**

«ՄԵԳԱՐՈՆ» ՍՊԸ-ի լիազոր անձ, մաքսային ձևակերպումների մասնագետ Գրիգոր Ավետիսյանը ներկայացրել է դիմում-բողոք՝ ՀՀ ՊԵԿ մաքսային հսկողության վարչության պետի 18.04.2023թ. «Ապրանքի ոչ ճիշտ դասակարգում հայտնաբերվելու դեպքում ապրանքի դասակարգման վերաբերյալ» թիվ ԱԴՈ-23-000032 որոշման և 10.05.2023թ. «Մաքսային կանոնների խախտման վերաբերյալ» արձանագրության դեմ: Նշում է, որ 18.04.2023թ. «Ապրանքի ոչ ճիշտ դասակարգում հայտնաբերվելու դեպքում ապրանքի դասակարգման վերաբերյալ» թիվ ԱԴՈ-23-000032 որոշման մասին առաջին անգամ ծանուցվել է իր խնդրանքով 26.07.2023թ.-ին:

«Մաքսային ծառայության մասին» Հայաստանի Հանրապետության օրենքի 37-րդ հոդվածի համաձայն՝ մաքսային մարմնի ընդունած և ուժի մեջ մտած անհատական իրավական ակտը կարող է բողոքարկվել այն ուժի մեջ մտնելու օրվանից, իսկ մաքսային ծառայողի գործողությունները կամ անգործությունը՝ այն կատարելու կամ ցուցաբերելու օրվանից երկու ամսվա ընթացքում:

Մաքսային մարմնի բողոքարկման հանձնաժողովն ընդունում է դիմում-բողոքի քննարկման վարույթը կարճելու մասին համապատասխան գրավոր որոշում, եթե դիմում-բողոքը ներկայացվել է նույն հոդվածով սահմանված ժամկետի ավարտից հետո:

«Մաքսային կարգավորման մասին» ՀՀ օրենքի 204-րդ հոդվածի 9-րդ մասի համաձայն՝ եթե ստուգման ակտն ուղարկվում է հասցեատիրոջը հանձնման մասին ծանուցմամբ պատվիրված նամակով կամ սույն հոդվածով սահմանված այլ եղանակներով, ապա ստացման օր է համարվում ծանուցման մեջ նշված հանձնման ամսաթիվը: Այն դեպքում, երբ պատվիրված նամակը վերադարձվում է հասցեատիրոջն այն չհանձնելու պատճառների մասին նշումով, ապա ստացման օր է համարվում պատվիրված նամակի վերադարձի օրը:

Տվյալ դեպքում ՀՀ ՊԵԿ մաքսային հսկողության վարչության պետի 18.04.2023թ. «Ապրանքի ոչ ճիշտ դասակարգում հայտնաբերվելու դեպքում ապրանքի դասակարգման վերաբերյալ» թիվ ԱԴՈ-23-000032 որոշումը գրությամբ ուղարկվել է փոստով և ծրարը վերադարձվել է «անհայտ» նշագրմամբ 17.05.2023թ.-ին:

Միևնույն ժամանակ, 10.05.2023թ. «Մաքսային կանոնների խախտման վերաբերյալ» արձանագրությունը ուղարկվել է փոստով և ծրարը վերադարձվել է «չպահանջված» նշագրմամբ 27.05.2023թ.-ին:

Դիմում-բողոքը ներկայացվել է 22.08.2023թ.' ՀՀ օրենսդրությամբ նախատեսված երկամսյա ժամկետի խախտմամբ:

Հետևապես, ղեկավարվելով վերը նշված իրավանորմերի դրույթներով՝ դիմում-բողոքի հիման վրա հարուցված վարչական վարույթը ենթակա է կարճման:

Ելնելով քննարկման արդյունքներից և ղեկավարվելով Հայաստանի Հանրապետության հարկային օրենսգրքի 20-րդ բաժնով, «Մաքսային ծառայության մասին» Հայաստանի Հանրապետության օրենքի 37-րդ հոդվածով, Հանձնաժողովը

ՈՐՈՇՈՒՄ Է՝

ՀՀ ՊԵԿ մաքսային հսկողության վարչության պետի 18.04.2023թ. «Ապրանքի ոչ ճիշտ դասակարգում հայտնաբերվելու դեպքում ապրանքի դասակարգման վերաբերյալ» թիվ ԱԴՈ-23-000032 որոշման և 10.05.2023թ. «Մաքսային կանոնների խախտման վերաբերյալ» արձանագրության վերաբերյալ «ՄԵԳԱՐՈՆ» ՍՊԸ-ի լիազոր անձ, մաքսային ձևակերպումների մասնագետ Գրիգոր Ավետիսյան դիմում-բողոքի քննարկման վարույթը կարճել:

Սույն որոշումն ուժի մեջ է մտնում իրազեկելուն հաջորդող օրվանից:

Սույն որոշմանը չհամաձայնվելու դեպքում այն ուժի մեջ մտնելու օրվանից երկու ամսվա ընթացքում կարող է բողոքարկվել դատարան:

ՀԱՆՁՆԱԺՈՂՈՎԻ ՆԱԽԱԳԱՀ  ԿԱՐԵՆ ԹԱՄԱԶՅԱՆ